

拜
經
樓
詩
集

拜經樓詩集卷十

起已未
盡是年

海寧 吳 騫 槎客

聚寶盆

以下已未

聚寶門外雲雷屯萬人喧闐覘一盆不能盛酒長兒孫
徒使聞名動帝閭咄哉豈有神物護暮紉朝盈理莫喻
通都苟得渠一顧十萬貧兒皆暴富黔婁不敢邀入門
拱手讓與卓王孫王孫玉女號文君忘取洗頭奔犢禪
秀兮秀兮爾本江南之細民壺漿乃犒天子軍匹夫懷
璧象有齒顛連旋復焚其身從來尤物要非福太半冤
愆妖孽伏田連阡陌食萬指轉瞬邱墟鬼羣哭君不見

周家昔日盛王會萬國梯杭寰海稗祥麟威鳳滿郊薈
姊妹奇珍曷勝載聖人貴德不貴寶禹鼎湯槃名可攷
不是重墉待爾成天心要使埋荒草荒草橫連十里堤
雞鳴埭口莫愁西崩城有操歌不得而今始羨杞梁妻
杞梁妻城下泥秋風來燕子飛無邊木葉蕭蕭下玉霜
夜覆金川瓦九重卻怕五更寒統如莫向江樓打

始春偕半圭過陳乾初先生墓

二首

白石橋邊草未舒蒼涼何處問元廬百年又近春燈節
一慟休看沙社書土室延生臣有母荒墳野祭獺無魚
猶思夜別山陰棹雪裏冬青半死餘

華髮當年志尚修青衫揀後更優游鏗鏘經學東京難
渺渺人懷北渚愁死守梅花林處土生書甲子晉陽秋
龍山夜雨姚江闊伐石憑誰表故邱

松蘿大令舊藏唐周文遂墓誌輒于書齋一夕亡
去久之復得戲呈三絕

喜氣朝來動墨池青瑣三載苦相思人間失主知多少
絕倒賊回石馬時

九百年華紀大中茂陵玉斝幾秋風聖周也怕昆明劫
從此休安磨蝎宮

昭陵繭紙總成塵失水蘭亭更可珍響揚還能分半面

新粧不數卞夫人

近得唐濮陽卞氏墓志其序云夫人四德百行粧其容以莊爲粧甚新

石屋山暮歸

竹月朦朧暮靄蒼
泠泠澗瀑盡笙篁
東風儘有撩人意
半帶梅香半雪香

寒食日與文漁游獨寤園

瀟灑春城境
風花熟食天
幾家紅杏粥
一徑綠楊烟
泉淡知魚樂
端簡自號淡泉居士
橋平見鷺眠
何時安獵碣
結個小亭圓
文漁擬作石鼓亭于園傍隙地

登秦駐山望蛟門作歌

藍田廟口桃花赤
長墻山外峯羅戟
九王

海中名合縱各

拒敵捲起浪花三萬尺春巖那及春浪高風檣陣馬橫
相鏖巨靈最願遠遁逃頭觸天柱天爲搖撼地何人矢
脫矟射落千年不死之飢蛟猶然倔強渤澥中自謂潛
與龍宮通殘鱗敗甲思再戰遠聞鼙鼓聲蓬蓬俄焉氛
掃霧廓鏡面淨亭亭湧出九十九朶青芙蓉其中一朶
號秦駐云是祖龍馳輦路不見羽林七萃出警而入蹕
空餘老屋數椽半嶺互撐拄珠簾甲帳俱塵垢才下山
舳繞殿走暴讀若風恣聒冠冕裂野鼠啣髭上枯柳憶
昔渭南起阿房宮車隱隱雷琅琅三十六年不得一見
者卻令芳魂瘞道旁總爲侈心欲駕鼉鼉窟鞭到石梁

梁血凸徐市荒唐竟不歸三千兒女一堆骨父兮兒悲
母女哭回首咸陽火相屬三泉穿錮不埋憂劉蹶羸顛
鹿爭逐王氣東南久不靈山頭草木尚含腥至今嗚咽
難平處惟有寒潮日夜聲

題始皇廟壁

振衣直上碧嶺岼輦道眞從鳥道援天外薄雷銷蜃市
浙東飛雨過蛟門春風不解生民怨山鬼能欺死帝魂
至竟神丹何日到年年村社費雞豚

清明武原道中感事

三首

新烟舊火漫紛紜天入秦溪總暮雲欲買一瓶村店酒

白楊深處哭孤墳

十畝芳洲淨淥波
棠梨花下雨聲多人情祇爲春風惜
晚翠寒香柰若何

夜月啼烏夢未遙
荒城又聽賣餠簫
馬蹄芳草銷魂路
怕踏南塘第五橋

春晚宿朱甥瑞榕館

別墅依蘭榭閒軒
枕薜蘿雨餘春樹老
風定鳥聲多
玉茗初分焙珠泉
恰瀉坡明朝櫻筍會
已約老僧過

雨中同吾竹房過涉園贈鷗舫主人

二首

弱柳芳塘雨辛夷
古榭陰三春同剝啄
暇日果幽尋琴

外知無事隆中自有吟悠然忘坐久歸路落花深
從來杜陵叟偏愛灑西居散帙鉤簾下觀魚放食餘古
藤春不老石洞晝長虛忽報桃源外紅泉已滿渠

南邨紀異

四年春仲月淫霖苦綿連南隣老邨叟闔戶繁憂煎午
炊熟甑中片雲暮檐端隨以密雨脚灑面森戈鋌抱甕
欲承雷頰步方遷延交臂渺侏儒被綠衣褊褊面同削
瓜膚雙臚炯浮烟鬢髮覆額齒亞垂髻年闔然逕排
閤訶之嘿無言倉皇亟尾入將施後者鞭不虞震霆起
幾掇地軸翻舉室盡顛仆魂魄馳九淵迨甦業逾晷烟

焰猶漲天豈維縱密隳棟折崇墉穿乃知阿香車所過
不留椽間巷轉相述異事驚愚頑我讀李肇書國史曾
補編問諸何仙姑厥號曰謝仙夫婦各三尺出入常比
肩間復作雷書一行篆倒懸亦有斧及楔盤柄工巧全
震位于東方青蒼合自然疇謂書不信如彼武成焉世
徒尚目見坎竈自拘牽福善而禍淫彼實操其權將無
示薄警故遣神爲先敢告失箸人慎勿嬰兒觀

送沈子在明游西川兼寄二三知舊

老懷最惜臨歧別縛袴看君意倍超紅粉樓中絲柳映
紫驪聲裏玉鞭搖雲連峻閣千盤棧花落清溪萬里橋

若過銷魂征戰地不堪閒話到漁樵

朱子蘭臣和子游百可閣詩賦荅 二首

風光惱我太愁生十畝閒園半棘荆已讀君詩傷鄭谷

尤憐細雨澁鶯聲

五字和詩中句

爲惜嶙峋冷碧苔閒扶藜杖到城隈
縹雲若解珊瑚化便與君家格筆來

游城南書屋

孤城聞春事雉闕延野色迤邐辟疆園
檀欒翠如織墻陰逗微逕小約一川
直坐來山窗下瀟灑臨翰墨餘花媚
簾鉤幽鳥鳴自得新篁半出闌初試
風影側散爲碧

玉聲琤琤長不息曲廊聊濯纓絕磴憩屢陟下上華子
岡竄窳路疑塞緣源瞥驚起雙去鷗鷁黑我生志邱壑
向晚意逼仄緬茲塵外蹤益悟滄浪德主人葆真隱憺
然忘語嘿牀頭一壺春中有樂聖國所以頌酒篇六籍
堪羽翼誓言託良契歡歌不知極疎鐘海門至斜景半
衣襖爲數菊華辰還來後期剋

時主人有九
秋看菊之約

午日小飲朱錫館憶東湖舊游有寄

洗酌傍閒庭斯辰戒獨醒海榴低戶赤隣竹過牆青香
泛菖蒲雨風回白苧汀珠樓看龍女記否共揚舲

夢唐嘗謂人不可有名士氣詩以調之

三首

白眼酣歌豈世情悠悠利齒太慙生君如欲避眞名士
第一先教毀酒鎗

沈沈夜雨落花新葬盡西園萬古春我欲更將香土視
半爲名士半佳人

最恨傾城背繡幃幾文始得買教歸清廚巧婦休相笑
畫餅如今且療飢

岳氏銅爵歌金雲莊比部屬賦

銅爵復銅爵高者足虛者腹兕觥鸚鵡螺非爾屬恨弗能
平吞鴨綠想見金陀坊裏籲天成家祭還同九州哭一
哭白日沈再哭愁雲紫哭絕朔風動地來乾千山雀凍

已死死不可生生可恥小朝庭僅降俘爾十六燕雲俄
割盡若敖鬼誦冬青引落得精忠禮器存丹砂小篆紫
春蚓斑駁雲雷不敢撫恐化長虹牛斗吐西曹知我癖
慕古蘭漿輕拏問湖許手酌寒泉酌侯墓千秋淚溼墓
下土卻顧南枝慘無色神靈咫尺威嚴逼山雨突來天
潑墨彷彿當年獄底黑萬里長城甘自壞十二金牌那
追得爵兮軒然若有翼何不高飛訴五國

爛柯山

屢屢歌罷轉酸神五馬歸來半百春一個糟糠畱不得
閨中早已具冰輪

讀亾友周耕崖孝廉客院錄感題一律

濟世安民略懷才應物心百城高著作四海孰知音虎
僕宣州載龍吟采石尋飄零一杯酒無淚可霑襟

過周都司嶺

鏤馬金戈冷暮烟叢祠燈火尚悽然飄零朱鳥魂歸後

無復山陰弟子傳

陳乾初先生嘗與祝眉老許大辛諸
老修社集于嶺閣詳乾初集黃山道

士韓養元
師弟合傳

哭女

四十年來鞠汝恩寧知薄命轉艱屯無兒一日喪誰主
哭母三秋淚每吞殮荆荆釵仍嫁物吟成柳絮當招魂

老懷更怕深宵夢偏到哀猿斷處村

文漁得宋郎氏墓碣于魯公祠下拓本見遺率酬

三絕句

石馬無聲蔓草寒玉魚金雁總摧殘傍人若許論閨閭
祖是西頭供奉官

一辭華屋賦山邱珮冷荒祠水自流莫怪逢人便談馬
可知參政本魚頭

洗出傷心幼婦詞微名何幸託殘螭祇愁好事千年後

又認髭鬚配十姨

文漁工黃鶴之技間以賤名刻漫處故戲及之

詩塚爲陶篁邨賦

二首

山陰陶叟篁邨詩集刊成復彙其不入梓者作石函而瘞之號曰詩塚自爲之記遍徵友人題咏山舟太史邀予同賦

先生背壯游筆墨蚤驚世洎乎晚歸來商略名山事名山足慧業次第自排比爰從對鳳年以迄杖朝歲優游八十春未嘗一日廢少陵多編年眉山或分類矯矯國門懸紙久洛陽貴暇復撫其餘顧之忍遽棄側聞羽陵傍有穴靈且闕喟然吾與爾盍此千秋寄筮之得明夷入地無不利牀頭一壺酒便爲祖道計素商渺蕭瑟山河亦迢遞懸知范式車翻破劉伶涕

步登北邙坂邱墳何纍纍不知公與侯珠玉承其頤君
也獨不然馬鬣封詩脾挺左瘞陶泓竈右附毛錐後岡
而前道咸得昭穆宜更有一月餘可以藏墨西世儒工
發塚金椎過無遺賦之復埋之未免先生疑譬彼三百
篇刪存故有時又如蛟龍化蛻委鱗之而苟不亟深掩
破壁風雷飛先生笑不荅斯理惟君推矯首南山南自
吟詩塚詩

鮑臥雲冬嶺探梅圖

江東有畸士雅志厲孤潔冉冉足下雲欲踏凍崖裂陰
寂靜不喧飛鳥望中滅玉妃孕春愁含意杳未泄抱此

貞秀姿盟可歲寒結橫笛隔江來餘香染衣襯君家堯
峯下上有堯時雪獨守愛梅心可對巢由說

次酬澧塘茂才見寄兼慰失子

三首

渺渺銅官翠滴餘鱗鱗雪剎繞堦除釣臺正好傳家學
翻作西河慟哭書

鷓鴣祇辦一枝棲每憶高齋似灤西寄與叢殘知有用
免教塗壁換新泥

狼籍何堪老淚橫悠悠太上貴忘情勸君牢碗江頭舵
風浪從他總不行

原作

宜興
任安上 澧堂

拜經樓上注經餘寄我萱蘇慰索居展向木樨初放
處一重香護一重書

牢關拒客學雞棲尚有鴻來三逕西覓得論衡分袖

去蜂爭花蕊燕爭泥

君每以新刻見餉
輒爲友人奪去

愛河深處破舟橫老我難拋是七情悲是篙師愁是
槳一帆風到便須行

遇仙謠

八月十八日

小桐溪上吳家閣桐葉秋清疎影薄鴟鵂嘯斷月四更
溪水聲微風屑削行露何來此娟麗雲鬟霧鬢增嬌弱
漸近惟聞蘭麝香顧彼姸童宛戲謔蓬萊不遠卽儂家

仙醴瓊漿待郎酌金蓮徐引洞房啓翡翠屏開雙孔雀
百寶流蘇錦帳底自解明璫光煜爚博山香燼漏初沈
耳邊不斷聞仙樂借問今夕是何夕月地雲堦豈前約
溫柔鄉裏夢正酣誰遣天雞鳴臙臙朦朧倦眼驚四顧
徧山鬼火青磷錯象牀犀枕渺何處子身獨委千仞壑
溟溟毒霧慘烟島島外潮生復潮落螭魅縱橫來搏人
豺虎鬚鬚鬥齟齬慟哭呼天天不應一絲命等風中擗
幸逢行客亟相拯鬼窟甫離人境託重披榛棘覓前路
回憶向來翻駭愕一彈指頃三十里風馬雲車無是脚
人邪鬼邪兩不知淚粉汪汪猶在膊噫嗟乎世閒妖孽

知何限祇待邪思一錯著愚夫每喜談神仙我恐其言
終莫絡向使若人竟不返定傳同跨瑤臺鶴

讀陳春浦荆南小志書後

三首

荆南風物恣冥搜一卷淋漓翠墨流虎穴蛟潭知已徧
便教談馬也風流

題襟載酒過餘春回首東風幾夕晨腰腳不知宗炳老
名山偏屬臥游人

螺女祠前罷釣筒官山下訪鶯籠歸來欲譜游仙曲
不見吹簫舊小紅

南宋方燼歌

爐崇八寸方徑六寸有奇重十二鎰雙耳四足前有
小方穴銘曰紹興二年大寧廠臣蘇漢臣監督姜氏
鑄至德壇用凡二十字皆篆文四面如一旁作雲雷
文與王新城居易錄所載見于孔東塘者無異漢臣
以繪事供奉兩朝而姜氏漁洋謂卽姜娘子其熏籠
最擅名故方爐製作特爲工巧至德壇雖未見于宋
志及咸淳臨安志夢梁錄等書觀此亦可見中興典
禮之備具籌藏此爐三十餘載頃者廉使錫山公新
建蘇文忠公祠于孤山將以文忠同事諸賢配食別
室甚盛典也落成之日騫不及預今年秋九月華秋

槎郡丞招集望湖樓因以爐歸祠中爲燔燎器計爐
之成雖後文忠三十年然監造者適與文忠同姓則
爐之歸于斯祠尤宜是日廉使適來游屬同人各賦
詩以紀其事

天水國以火德王至德壇歲隆禋嘗鑄鼎象物神姦藏
父丁母壬巧趨躄洪爐熾炭規取方首山之銅百鍊鋼
和以金屑萬寶裹赤松視齊謹洵量女媧銜術宵騰光
范金合土吉日良云誰作者治民姜銘成籀篆兼沮倉
鵠頭螭扁蠆尾揚環列四周虛中央饗饗雲雷輔珥璫
雞彝鳥彝奮激昂圓壺方壺參雁行燭蕭合黍班羶薌

埽地而祭百神禳宜和舊譜喧蜩蟬良岳灰飛禮器亾

承信丹青遠擅場

漢臣宜至承信郎

想摹古制式鼓坊流傳到

今竈幾煬歲月無異炊黃梁西湖重見事豈常以蘇配

蘇適相當望湖樓高登夕陽水仙祠下寒泉芳千點殘

荷露粉灑萬山金粟蕊堆黃解我龍圖清俸囊風篁龍

井遙相望公神降鑒歲屢穰前招三辰後鳳凰名山大

川語煌煌

李方叔祭東坡先生文

羣賢配食禮典詳奉爐九拜躋

公堂盼嚮千祀期毋荒

同汪小海明經過小方諸山人郊居

主人王君自云小方諸山

中人半仙半佛故以爲號

曖曖郊坰剝啄徐迢迢江色映林廬估帆數點遠烟外
埜鶴一聲清露餘窗透木樨參佛偈牀畱脈望識仙書
了疑已入方諸境可待他年始卜居

華秋槎郡丞招集望湖樓

馬瑀坡前繫野航望湖樓迴入蒼蒼雲霧羣
風剪半江無夕陽南渡閒愁朱檻外西陵暮鼓淡尊傍
都君雅志相料理不遣沈吟墮渺茫

萊園雜咏

八首

花鴨

曖曖辛夷鴨芳風泛玉卮細看花影度始覺夕陽遲

涵碧軒

湘簾捲暮雲色與長空遠惟有白鳥驚望中明點點

瀟灑城東樓

東城曉崔巍湖光明鏡開正爾思沐髮忽見初陽臺

小滄浪

清斯可濯纓愛此古亭榭今夕亭中人祇評風月價

雪舫

表叔隔凡先生嘗雪夜覆舟梅里歸作此舫以自警

一葉入梅魂全身翻雪浪笑謂剡溪人蘭亭幸無恙

陋室

簾前秋更青草色泣堦露雖擬子雲居不獻長楊賦

簞亭

獨坐幽篁裏可以調玉琴風敲十萬个个鸞皇音

歸雲

朝雲含雨白暮雲依洞碧冉冉出無心明明歸有跡

表水邨先生與其子根堂孝廉皆一赴禮闈後不復再踏春明

松陵道中

季鷹祠畔草淒淒范蠡扁舟落日低想載傾城曾此過

幾家漁網尚橫溪

贈吳縣唐明府

四首

畱滯江東宰飛騰歲屢遷家人并旅食官况落寒氊篋

滿吳雲句鄉遙郢樹烟新來添勝事筦得采蓮船

淶水長洲苑青山好放衙攜琴對賓侶移牒判烟霞臺
廢寒游鹿宮空晚噪雅不妨閒咏古細嚼玉梅花

嬉春郭東路水榭倚樊川憶昔荆南令低頭拜杜鵑記

卯春事清歌憑刻羽醉舞泥花鈿一別真如雨飛英滿酒
船

百里松陵遠三冬別思盈推篷寒釣雪燒燭夜談兵丙辰

冬杪訪明府于松陵官舍時初定漕艘之變幕府增英彥江湖老飯生喜聽

吳下咏又頌長官清

代贈洪稚存編修

盧茂才蟾桂過墨陽樓夜話并述去夏洪編修雅存
至桃溪同游國山善權諸勝且惜予未及一晤以窮
山水之樂爰擬代盧子贈編修詩一首

言辭鳳沼出修門遂訪鸞籠到遠村芒屨曉穿雲有跡
朝衫晚挂月無痕不將詩酒違清賞曾以心肝奉
至尊想到芳園湄隱路清風重爲拂蘭蓀

曉入桃溪卻寄澧塘茂才

天遠樓前別晨衝泝泝波鷗聲依棹遠詩意入山多要
約餐霞侶商量典雪蓑回看城郭處半已白雲和

三歸亭詩

夷吾昔相桓三國歸九女築臺自鳴侈詒譏宜尼父我

今襲其名結亭僅容膝名同實不同僂指請具述有爐

形惟方鑄者冶氏姜載拜登蘇祠鼎齊芬芳舊藏宋方爐款

為紹興二年蘇漢臣督姜氏鑄製作極為精巧比者錫山廉使建蘇文忠公祠于孤山因以爐歸于祠為祭器

袖中一短札點點長宏血還諸鄭公鄉流觴驚暮節寅甲

上已與諸名士修禊于涉園以昔年所得楊忠愍公獄中寄鄭端簡書返端簡十一世孫鼎錫詳涉園修禊集

何處訪盧鴻扁舟婁水東玉山筵上客目炫五花紅昔訪

抱經學士于婁東書院解后明顧文康公後人張思于座時齋行笈適攜文康誥身一軸因出同觀學士載其

事于抱經堂文集他日亦噫惟此三歸允愜平生願緬擬仍還顧氏俾永為世守

彼始獲時駢列青玉案撫對口循環品臨滋清歡清歡

未云已次第旋相判歸來無長物風月自娟好笑顧倚
闌人荆布可終老

龔性成明經以詩卷見投賦贈

珍重停雲一卷持吟餘展轉繫人思五年瓊海游仙日

千里珠江侍母時

明經性尤孝每出游必奉母以行

風誼至今懷鮑叔

謂萬黍維大令

冰絃何處哭鍾期

生平尤爲朱竹君蒸蘭岩二公所知

墨陽夜雨

荆南雪潦倒休嫌濁酒卮

同萬香南汪蕘畦任澧塘黃柿菴陳春浦晚登巽

閣

二首閣新建在通眞觀傍昔東坡嘗寓其地

傑閣東隅好登臨最上頭人懷蘇玉局畫法李營邱白

驚迷烟塔青帘出酒樓後來容我輩吟醉亦風流
不盡溪山勝多來絕眺邊帆欹紅載日城遠碧浮天列
岫虛窗逼疎鐘下界傳旋看玉梅影早弄一枝烟

讀仲倫茂才駁袁論題後

二首

明武進吳子道侍讀萬歷初以劾江陵奪情受杖近
錢唐袁簡齋著論非之仲倫復爲之辨駁仲倫名德
旋侍讀七世孫也

春回天上豈無神漢壽亭邊草又新雨爛血衣風裂像
千秋不損兩完人

吾鄉查性甫京兆少日祈夢于墳見
天上春回四字後以劾分宜被杖死

而復甦侍讀昏暈時見關公以刀攝其魂蓋有神護也
凡拜杖者皆藏其血衣侍讀有廷杖圖尚藏于家祠

欲從異代申知己
忘卻冰山日出餘
寄語運租船上客
可知世有正楊書

過澹川明經南野堂

吾家南野翁
夙昔名常耳
居隣太古院
人在太古始
開口吐奇氣
絢若晨霞綺
縱之爲文章
萬象困揮使
目空冀北羣
足蹈青海涘
赤手拔鯨牙
孰敢掉其尾
摩天巨刃揚散落
雪花紫往逐
李輕車封侯期
萬里驅馬渡臨洮
騎象入交趾
潭腥試蛟涎
穴險探虎子
暮草喻蜀文
朝射聊城矢
展轉十年踰
寸功復誰紀
將軍旣云亾
部曲亦半死
彈鋏賦歸來
恥乞監河米
河水日悠悠
白石

自齒齒牀頭一壺酒醉鄉數甲子客至戶常扃見我翻
成喜至哉懇款言肝膈傾纏纏殷情感既別一步一徙
倚猶聞蘇門嘯隱隱巖中起

至澹川詩洞天見有夾河軍營寄詩感賦

斜暉明古巷寒澗映門深中有主客圖亦有從軍曲主
客多綢繆從軍異苦樂沈吟載咏餘卽事多所觸繫昔
戎馬間有客曾橫槊羽書畫摩盾名士夜炳燭觴行看
舞劒慷慨歌擊筑一聞啣枚令萬馬甲盡束決勝籌千
里奚翅運掌握風雲指顧中圖畫麒麟續天狼卒未隕
人事饒翻覆豈其衛霍勲轉促韓彭僂渡河賊易誘削

木吏難黷祇今陳陶斜孰慰新鬼哭天高日西馳秋澄
氣逾肅由來計功罪未易論當局卓哉杜陵叟逍遙賦
茆屋但願休王師崆峒小麥熟

孫武子墓

孫武墓未見于吳郡圖經近有傳在盤門外者案盤
門乃吳之南門考越絕書云巫門外大冢孫武之冢
也劉昭郡國志補注吳本國下引皇覽云縣東門外
孫武冢又吳地記云孫武墓在平門西北二里案平
門卽巫門實吳城北門而東則有婁匠二門似吳地
記之言與越絕合若盤門外則未嘗見諸前載不審

果其遺壘否也武進孫季逵觀察頃校刊孫子十三篇復得孫武銅印一謂卽武所佩者漫成此詩以質之

闔閭草沒巫門低三泉下蝕荒埏題一卷龍韜一方印
萬馬可蹈湯火飛令威華表鶴歸悵此墓千秋竟無恙
向使深宮隊長知發邱得道中郎將

舟中望橫山寄半圭

縈紆谷水繞香臺木落霜崖錦作堆好意不教雲隔斷
篷窗有句忽飛來

冬夕宿萬蒼山下田家

山下茅茨倚樹成梅花試雪夢魂清臥聞鹽女隔溪語
野鴨飛來天未明

自萬蒼歸述懷

一昔傷違養于今四十年音容真昨日宰樹颯寒烟同
產人皆盡浮生事偶然春暉憐寸草猶自到新阡

錫山廉使旣建蘇文忠公專祠于孤山每歲十二
月十九日文忠降誕之辰士民多操豚蹄壺酒
拜祠下如報歲功亦以見遺愛之不忘也爰爲
賦詩以紀其事

元祐罪人歸無宅老作毘陵長往客豈知身後隆其祠

英靈湖海孤山適緬惟紗縠生家弄釋伽老氏親抱送
岷峨萬里出堂堂晚爲孟博真堪慟蠻烟瘴雨雷瓊岸
骨月星離更雲散他年亦賦洗兒詩祇祝無災與無難
豚蹄爾日湖邊酒其魚維何貫之柳一杯正屬水仙王
玉梅花下交三九鑿乎鼓了軒乎舞樂徧臨安十萬戶
繡衣使者今太虛彷彿平生相勞苦使公命不坐磨蝎
如今壽僅同彭祖

懷姚一如觀察

三首

五年山館共晨昏萬里沙場入夢魂遙憶杜鵑花畔月
一枝空照舊巢痕

雕弧影落狼居月鐵馬蹄穿雁塞雲多少英雄畫麟閣
西風愁絕故將軍

不見嫖姚二十霜人言雙鬢已蒼蒼南山較獵歸來晚
馬後猶懸兩白狼

簡莊尚友圖

落落襟懷似孔融交論海外旣寰中手來一卷貞蕤橐
便是河梁萬古風

拜經樓詩集卷十終

拜經樓詩集卷十一

起庚申
盡是年

海寧 吳 騫 棧客

王昭平先生小像向藏三橋蔣氏乃曾波臣筆首
冠華陽巾爲俗子所損予偶借觀因爲之補全
并其遺囑摹勒于石漫繫一絕

以下庚申

抱日麾戈計早安
脩脩野服與黃冠
雖然不是空坑相
要使完人百代看

大雪歌

活灘孟陬一丈雪
異事驚倒百歲翁

東坡句

問誰鑄此銀

世界連山浪捲天河通
瑤姬欲先織女嫁
冰簾霧障塞

幘幘乃公伎倆故狡獪裝送惟有萬玉驄白虎負鼎作
臣媵粉獅氣已吞河東晶球碎擊鉛彈碎漫空迸落珎
璜璫巨或如飾小猶掌千尋壓倒南山松窗前老梅愁
頂滅別尋琪樹開玲瓏家無四壁今忽有文君帶服歸
臨邛突少炊烟甕乏米齋廚獨賴精鹽充呼童啓戶三
叫絕半夜失卻峨嵋峰鸛裘欲典更何處巾車炙轂知
途窮山中有客正僵臥絮被不放鷺毛縫粟生瘦骨冷
熨銀雖有姜氏爐難烘安得遼天皓鶴一翩然游戲乘
長風遠至蓬萊據其頂平量海水傾杯中羣山收拾入
酒窮甕爲麴蘖青復紅手扶玉杖趨貝闕猛折冰柱敲

珠宮蠟蟲臣微罪萬死吾皇墨敕須親封急詔杜康追
阿狄調齊米廩和乳湏釀成滄瀛琥珀醕救醒宇宙寒
號蟲

得澧堂書卻寄

七尺頑軀雪滿簪五湖生計一孤琴閒雲自厭空中跡
良友何緣說範金

題畫

長江浩淼去無窮六代豪華暮靄濃昨夜小樓春夢斷
分明聽得景陽鐘

赤岸道中

二首

雪晴雲泛上河船恍入梅花小洞天一點塵心霑不得
更于何處著憂煎

遲遲佛日閒鐘鼓渺渺皋亭舊酒樓春意今年偏較晚
征人三月尚重裘

湖上

遲日湖堤望烟花共渺然有愁堪買地無雨不晴天細
馬隨油壁輕風落紙鳶段家橋畔路芳草恨年年

小峴廉使招同馮玉圃給諫華秋槎郡丞孫淵如
觀察陳花南通守宋茗香助教項秋子佐州汪
小海明經家胥石孝廉仲倫茂才集望湖樓修

東坡先生春祀卽席 二首

西子湖頭二月時，雲光鏡影日遲遲。
紅妝欲破小桃曆，金縷先低弱柳絲。
拂面和風隨曉蓋，迎人好鳥識春旗。
祇應更倩丹青手，寫出風流白傅詩。

竹閣深陰罨畫船，方爐開處潔寒泉。
客從舊雨來今雨，人說坡仙卽水仙。
白首欣參從祀議，謫潮蘇祠從祀議
頗爲廉使所納

烏臺苦費黨人編，自今春社孤山路長。
奏清風萬古絃。

過梅莊贈花南通守

萬樹寒梅一使君，繞垞春水淥沄沄。
風搖慶忌窗中塔，雨散蘄王帳底軍。
好鳥嫌籠能喚客，時君方約同
人爲放生會新詩

如畫欲生雲何妨且作西湖長腰下銅魚未可焚

侍家大人過花南先生梅莊吟社卽贈

壽陽

虞臣

結社問烟霞幽居道未賒若非忠獻宅幾認藐姑家
塔影遠山秀夕陽歸雁斜知公驢上興吟徧馬塍花

雨中至江干登舟

逗曉辭重闌六合一春雨遠山送客來白雲滿衣屢弱
柳更依依迎風千萬縷我行指越鄉未識愁來所顧彼
碧桃花含意初不語緣知當歸日枝子已堪數諒兮舟
人子貴酒靈胥浦放眼白鷗天舉杯醉云屢不知小海

吟遶問蘋洲譜枕月待平潮衝烟行唱櫓

雨發錢江卻寄

一霎奔濤翠作堆孤帆競指亂山來禹陵風雨聲同急
霸國鴟夷事可哀鳥散綠蕪迷晚渡桃含紅淚泣春臺
閒愁此際知多少強弩三千射不開

富春

聞家埭口風盤盤吹我牒子膠沙灘五里杏花紅十里
青山蘊春衣典盡一江寒春草妝成一城綠平生不識
黃子久粉本溪山亦何有欲持片紙招其魂安得連江
化爲酒

寄遠曲

病餘池館徧蒼苔
幽恨難教望遠裁
揀卻江城春夢裏
賣花聲過雨聲來

同人登睦州建昌山亭

木末孤亭接翠微
江山曠覽此焉稀
西連宣歙雲光峻
南指蓬瀛海水飛
朱鳥歌成皋羽去
碧桃花謝子陵歸
雙臺咫尺人千古
莫惜提壺醉落暉

寒食嚴陵道中遣興

四首

江頭春草芳江岸柳絲長
客路逢寒食并州視故鄉
風前金縷弱飭外玉簫涼
剪紙勞僮僕鞦韆漫出牆

老我一身輕飄飄。媿此生分釵無婦寄古墓。有人耕塔
暝雲中。寺花飛瀨上。城轉憐漁父。好換酒過清明。
積雨春寒重。羊裘不肯溫。望來新舊火。乞到薜蘿邨。野
祭窮山郭。啼鳥共曉昏。冬青與晞髮。多少未招魂。
漠漠芳菲節。誰爲問舊蹊。邨連紅杏溼。烟繞白榆低。襍
被悲游子。琴書病小妻。那堪前路晚。又聽子規啼。

威平

江到威平氣未平。韓王功業至今稱。可憐古廟荒岡上
落日清風開紫荊。

桐君山下作

越岫明春姿萬馬欲東首誰歟奇兵設突出一峯秀若
將挽其勢盡使趨浙右壯哉合江亭岌嶮千仞瘦插根
虛無底潮汐日噴漱桐江始南匯僅作匹練靚俄聞絕
壁下鼓角亂金奏巖巖醜石羣一夕空灘投或聚若列
星或散駭奔獸風水縱橫激排空變雷吼一隨撇漩入
萬古不可救篙師勁于虎悉力相鏖鬥志欲無冰夷目
久空風后三出復三八初避旣乃就頃之險遂脫自詡
神實佑景物頓清爽高歌舫互舐桐君喜我至杳靄雲
開畫手弄青芙蓉餘芬滿懷衷殷勤謝桐君不改金蘭
契一去三十年存亡半親舊投老念鄉關茲游幾人又

率衡照申錫至茅司徒嶺展先墓

二首

東郊小雨不成泥
塋坡頭自杖藜
愴斷富琅溪口渡
荒阡更指亂峯西

卅載重尋宰樹偏
驚心何異幔亭前
直教翁仲頭堪白
那得曾孫髮尚元

同衡照申錫至流川觀劇

城隅聊喚渡
滑笏過流川
古木雙崖合
危藤一徑懸
樵歌參佛磬
鳥語荅神絃
故國枌榆社
深春亦可憐

重過東山題竹泉壁

四首

依然簾影風前颺
更好嵐光雨後催
不聽潺湲裁幾日

萬枝鸞翠已全開

便番花雨落春濛
自汲松泉煮暮濤
白鹿不歸雲拂地
誰家新燕蹴琴綃

仙雲冉冉綠筠窗
授枕歸來午夢降
我是岳陽三醉侶

任他飛絮撲銀缸

樓中懸洞賓像

山榴花壓繡球紅
梅子畱酸墜晚風
卻恐樓深人不見
紫簫閒弄碧虛中

游白岳歌

蓮祠閣上鐘初動
一笠江天撐曉濤
西村怪石落作臺
南渡烟花密無縫
沿途有景不遑討
交臂奇觀付輕縱

瞥觀羽衣縹緲二三子或馭文鸞驂紫鳳初平叱石羊
滿坡子晉吹笙鶴分俸亦有五老龐其眉偃僂如迎復
如送三天門下一揮手筇屐告藏尻股用辭樓下殿矜
絕險臥虎跳龍勇驚衆奔摩蟾窟縮春蚓脅帖虹梁熨
秋竈千尋鐵索孤裊烟百斛簾珠平撒空白猿聯臂獻
玉桃赤驥奔蹄踣銀甕珍禽喚客鸚鵡徧仙蝶觀碁善
權洞仰睇一髮千鈞懸危踏飛梁萬仞棟琉璃瑩徹蕊
殿瓦紀年孰問晉與宋玉清帝子坐法宮欲以九泥救
愚蠢當時不藉百禽喙巧藝楊家等僵癡低頭載拜叩
元化逼面香爐馘奇供亭亭鳥篆蒼靄上渺渺金莖赤

弄絲樓詩集卷十一
松弄道人高座甲子忘十抱榔梅手親種永成石髓嫩
于霞飯熟胡麻搏若糗噫金丹無分換凡骨黃海終思
跋塵夢祇恐三十六峯雲鏡猶深霾明倩三姑纖手爲
我重磨礪

童魚

出歙縣篁南亦曰童子魚
長不盈寸惟春三月有之

三尺欣堪種千頭詎滿斤
淩波蘋易蔽吹絮影難分
豈有蛟龍分終慙蝦蚶羣
容舟空語大比目太情殷
戲葉春猶淺沿沂日未曛
羹材爭婢妾鼠璞誤終軍
研洗吞餘墨鱗批釣後雲
明朝更量取換酒問桐君

觀音巖

峩峩觀音巖珠簾挂巖殿竹樹影迷離烟雲日萬變願
曲樹爲弓更伐竹爲箭射斷珠簾線乃見觀音面

榔梅菴

榔梅岳頂菴戶蔽榔梅葉羽流房四五靜若蜂養蠟玉
芝采丹霄甲乙靈符納藏之白松巖夜吠荅如蛤我行
藉一筇春山尋艾蘼杳杳玉清宮呼吸通閭闔苟非仙
根具何由天路踏似聞李君實曾遇張邈邈欲共訪宜
平樵歌雲外荅

與衡照英進同游落日臺

上汶溪口望崔巍競指城南落石臺仙掌虛疑巨靈壁

翠屏元自五丁開
拈花獻佛憑金雀
遶樹看雲坐碧苔
莫聽元猿愁晚日
還思赤腳釣龍來

黃昏過釣臺

黃昏過釣臺
題詩然楚竹
不愧先生面
卻愧先生足
松風吹羊裘
酒盡山月綠
欲枕石頭眠
龍吟撼雲屋

夜登嚴先生祠次壁間汪小海韻

蹇脫羊裘寄釣臺
先生歸後麗華來
雲峯總使高千尺
爭及長門淚一堆

畫佛爲詰懔居士題

承聞我佛西來止
一粟化行中土餘
千年員頂方趾見

之輒下拜旃檀婆律日夜金爐然君從何所傳此相得
非天生活佛西藏之班禪眉間宛宛慈雲起慧眼何妨
照千里卽今蛾賊竄荆襄西川更有五斗米佛心人心
同感發迅掃妖星殛女妖屠刀放下我良民四海兵戈
盡鑄佛

讀耕厓遺藁書後

二首

三杯易醉金臺酒一第難題雁塔雲珍重牀頭書數卷
千秋畱與哭劉蕡

南轅北轍爲誰忙旅食江東鬢已霜
野魚上日更無新著壓歸艎

君晚掌教桐汭每歸里必以
撰著見盼桐花魚亦出桐汭

以所著壺口辯示壺口山人漫繫長歌

天蒼蒼水茫茫渾沌始鑿又洪荒八紘何殊一破航欲
沈不沈在滄浪四載初施民未粒渾洪颶怒魚龍國門
內呱呱聞子泣褰裳獨向壺口立壺口山人適釣鰲珊
瑚百尺綸竿操蒲昌海至星宿海一日得九何其豪中
有一鰲頗倔強千仞龍門不肯上願暴沃焦四萬里尾
掉銀河成白壤回身卻向蓬萊島笑索魚羹呼宋嫂鰲
邪龍邪兩不分惟見霜刀飛處無畱痕闢呂梁鑿孟門
想當櫛風沐雨豈不勞且勤後來貢賦極九有可但包
茅供縮酒石槽石湓更紛拏此論雖奇吾不取支祁未

南朝舊事續書棚東壁新籤列幾層祇恐丹青圖不到

江湖夜雨十年燈

時主人方重
雕宋人小集

東泉蠶月圖

東泉有良月趨我事不遲豈忘緩斯須歲功爰在茲
猗猗陌上女桑綠十家五家停剝啄小姑把火大婦忙喧
煞林鳩誇樾熟三眠三起無安夢偷剪花幡菀窳送妾
不願息如牛亦不願繭如瓮祇願翩翩箔內蛾一時盡
化黃金鳳下了私逋上官貢小姑還畱嫁時用月上東
皋歸去來幽風更補蠶花頌

石函湖道中卻寄魏叔子

手系木言身一
葦花如雪映波明月落沙隄一帶橫旅夢未成歸路遠
夜深沽酒過臨平

題畫贈半圭

梅邊竹裏問邨醕風雪溪橋野店開只恐新詩尋未盡
明朝還跨蹇驢來

過吳江楊子霽雲以新畫見貽率題二絕並示慧
樓

十月江鄉雪覆墀懶調脂粉鬥時師閉門種菜梅花下

恐是英雄未可知

梅花
蔬菜

鹿盧井上幾枝桐露洗風吹月滿空乞與吳剛應有意

欲將秋思寄梧桐

梧桐
秋月

秦永受瓦研歌

予得古瓦當一缺其左半右半有永受二字據江氏
德量程氏敦秦漢瓦圖左半乃嘉福二字蓋秦瓦也
海鹽張君芭堂吳君侃叔竝有題識吳君謂篆法絕
似秦璽文及比于銅槃銘定爲秦瓦無疑予細觀其
質堅緻貯水經旬不縮迥非漢瓦所及有人琢以爲
硯形若新月亦可供文房清玩漫係長歌聊附吉人
甘泉瓦研之後冀同志者屬而和之

秦家離宮三百所土木窮奢極九宇六王滅跡靡不仿

百二關河天獨予蜀山旣厄阿房出瓊室瑤臺難並述
魏闕高來近斗牛陶人尚取儒坑血樓下招搖五丈旗
雷霆輾轉宮車馳內家脂水雖橫棄不救咸陽烈焰時
楚人競逐原頭鹿劉蹶巖顛幾翻覆死灰千載不復然
狼籍苔痕上堦綠伊誰拾此一片瓦細洗蟲魚如洗馬
得非覓自望夷間李斯小篆趙高寫永受嘉福雲鸞翔
蒼壁忽判而爲璜季重題名茂先跋後先鑒別審且詳
迎風曲解何草草燕說那知郢書好倘準吉光片羽例
此瓦翻因不全寶辛苦良工琢眉研匣裏蟾光裁露半
卻似長城始築時團樂不許人間看憶昔周宣中興初

岐陽獵碣修攻車，瓊包駝致貢太學韓蘇椽。筆追那與
卽今嶧山刻石疇，復問銅爵香姜同一瞬。幸是挾書之
律久已除，不妨伴我閒鈔過秦論。

金閨席上聞簡莊有賣船之作率占長句

花下清觴喜共持，吳娘解唱賣船詩。臨川舍棹非無意，
破浪乘風會有時。腰笛記隨青雀尾，觀魚嘗竝綠荷池。
笠檐簑袂牽離夢，祇有東風細雨知。

夜泊蒲墅望邨南燈火寄霽青茂才

零霜霑野草，山月寒侵門。彷彿幽人居，清風滿前軒。鳴
機隔牖織，歲功良已殫。苟不肆微勤，衣褐何由完。一月

四十五燈火常映垣黃農世匪遙淳風俗猶敦休哉張
夫子樂此原上村栗里歸園田倚杖收雞豚豈無牀頭
酒高歌笑顏溫離居易永久衣帶減故痕客行雖云艱
念彼古昔言相思可命駕千里還來存

晨過潏里題靄青山居

質樸古遺民幽居道自尊
崑溪無畫到潏里有詩存
鳥語欣畱客山容曲抱村
更憐封禪碣飛翠撲衡門

張潏里黃梧崖陳春浦見過小集墨陽樓下

鱗羽悵恒闊音容各天涯
歲晏來清溪塊獨掩荆柴
懿此同岑契慰我千里懷
席帽戴山雪振衣雲滿堦
落然

共攜手一笑相與皆寒梅吐故條老屋隣仙崖徐呼祝
陵醅款語齊莊諧樂莫斯夕樂何云後期乖山譙永寒
漏殘月淹西甍轉憐孤坐夜缸花落蟲釵

集兔牀先生桃溪山館

四首

荆溪

黃中理

夾清

墨陽樓閣與雲齊日影千山紫翠迷好在桃溪畱別
業風光何似小桐溪

一別清顏幾度春扁舟仍泛畫溪濱東風細雨曾無
恙絕憶江湖舊散人

促膝深言夜未央窗前剪燭引杯長祝陵春酒由來
美別有君家翰墨香

手集卷十一
敢賦三都擬太冲平生元自哂吳蒙也知醬瓿終須
覆且乞先生一序工

蛟橋舟夜與萬香南黃柿菴話別

黃香肯逐萬回過不道鄉園在伐柯燈下便呼紅友出
溪邊且聽雪兒歌蛟龍午夜應潛駭絲竹中年柰晚何
況復前程多雪意何時重與話漁蓑

澧塘以舊揭黃庭經東方像贊贈別

二首

少卿最重分襟候折柳河橋柳未青拚得驪珠三百顆
金鷺山下換鷺經

埽地焚香對墨池逍遙如坐閭風時玉桃三過憐方朔

愧我重來鬢已絲

同任澧堂潘于雲徐珮珍文光集潘夢吉書齋竝

觀所藏清玩

有姜娘子熏爐時
大彬茗壺尤佳

蝦虎城荒小雪侵書元巷口晝陰陰雲疊獨占銅官翠
碧澗雙調玉女琴香茗風流輸瓦注姜爐雅會續題襟
不須更數蘭臺聚此樂元勝到氏林

畱別臨津諸友人

芒鞋筇杖久婆娑爲有幽人在薜蘿舊雨尚嫌三過少
新詩又載一船多籠鷲山下梅封萼射虎祠前雪滿坡
別後雙魚能早寄小橋流水問春波

曉渡麗山湖打冰至吳江寄慧樓

利涉趨澎湖廿里霧始脫層冰俄餅裂不俟吳郎說琮
璧紛滿前礮礮五音括巨者或如篩昂然立鵠鵠榜師
檝屢膠漁姊棹空撥且免蛟龍驚稍希苻藻活及來鮎
魚口流澌猶澌澌遠峯送餘青倦眸爲之豁松陵儼圖
畫一角烟樹奪飄飄季子裘鄉園渺天末安得草元人
重教凍醅醅

自臨平至皋亭道中卽事和梅史韻

欲餞黃州到白隄如聞子夜過前溪酒賒越釀兼吳釀
醉認梅畦作雪畦遠岫從埋青玉案新詩好貯碧玻璃

明朝把向明湖去付與佳人舊姓西

舟中望安平泉

窈窕半巖雪迢遙山逕微松陰寒不轉鶴外一僧歸

桐皴曉發呈梅史

殘更輟遠戍初旭上寒坪鳥散冰花碎山空石鼓鳴
傲裘仍季子襜被老吳生渺渺青門路爭聽楚調聲

武林舟夜同梅史觀簡莊新得宋軾率成長歌卽

送公車北上

軾側有銘云元豐庚申餘姚縣竹山塔記

艮山門內水雲合舳舻人語清夜閒有客眎我古遺墳
爲言獲自姚江邊土花紺碧文繡錯元豐恰記庚申元

餘姚縣竹山塔記法輪藏轉同循環七百廿載一彈指
知君得此良有以平居耽古久成癖百徧摩挲再三洗
生不羨銅雀與香姜亦不換長生及未央什襲瓊包貯
行笥何異獵碣珍岐陽周宣中興追虞唐君行宛至舜
所藏

東坡詩我行
直至舜所藏

方今太平日無事大開明堂隆鄧洎

榱楠杞梓鳩羣材秀孝賢良擢上第譬彼重修五鳳樓

一甌一埴皆精祕君不見當年半山翁五風十雨歌元

豐試憑甲子驗符會普天擊壤將毋同始知宋佛圖遠

過楚王廟

昌黎記宜城驛楚昭王廟古甌可爲書研

他日相攜花影旁寄詩

早慰山陰棹

從軍行贈友自夾河還

琬戈赤羽箭犀鎧黃金環飲馬長城窟溪聲何潺潺天
山圍正合羽檄無時閒朔風吹營門獵獵朱旗殷平生
志許國安得辭其艱聞雞聊起舞夜中撫刀鐔悲歌猛
虎行醉折將軍顏去去世事已轉戰夾河灣一言不能
用萬骨高于山

送小峴廉使移任楚南

二首

霖雨蒼生秉素襟八年浙汜仰華簪丹忱可鑒西湖水
青史長懷北海心三楚屏藩才不易九重宵旰注
元深懸知旌節謳迎路鼓徧湘絃萬古音

千騎誰能攀曉珂一旆遙想天邊過洞庭始波木葉下
江潭弔屈秋風多濯纓且聽孺子唱然竹定繼先民歌
涪溪他處公德尚有深刻垂巖阿

短褐

短褐敝來久慈親線尚存祇緣吾少賤不道爾難溫風
解陶公結寒銷范叔魂人間曳裾者多少在侯門

與梅史送小峴廉使後晚出東新關

二首

送客風回出水關暮雲離恨兩漫漫若爲黃鶴山前雪
千樹寒梅也自殘

買得邨醪石凍青醉來休問短長亭乾坤自古存漂泊

不廢江湖兩葉萍

望遠曲

望遠曲者蓋吳子爲錢塘湯氏女作也湯世本浙中
舊族女生而明慧幼秉詩禮淑嫻婉順爲父母所鍾
愛長適同邑張仲謀子勇鈞伉儷尤相得無何勇鈞
宦游秦隴音問久絕家故貧中外無可依倚乃鬻釵
珥治裝偕勇鈞二妹族一老間關數千里以訪勇鈞
道近板浦二妹欲探其舅某氏女不得已偕往某故
無行瞰知女有典鬻之資誘而吞之遂困躓不能行
女惟日飲泣久之張老歸報謂女遭痼疾引繡刀自

荆某遣舟送之還抵邗江躍入水死并亾其屍惟攜
故衣一篋篋上多有血痕老爲人嗜飲而慙又語焉
不詳舉家大慟謂某旣吞其金復殺其女顧父已老
病又遠隔異鄉竟莫能究其生死之實者予友陳簡
莊湯戚也嘗述其顛末爰爲此曲冀好事者屬而和
之且以慰簡莊云

日落黃沙塞草萋風吹寒雁接天低誰家玉笛腸堪斷
何處霜笳夢不迷霜笳玉笛繁哀轉那似此聲淒更緩
聽我尊前一曲陳朔雲邊月俱驚慘故家本貫中山里
世胄高門襲華綺西厓侍從朝紳貴東澗文章人望倚

烏衣裙屐夙清標玉樹芝蘭晚未凋雪舞閒庭詩咏絮
花浮冰盃頌傳椒香茗才華疇不慕寒修玉幣恒交路
崔盧門閥擬潘楊未得傾城垂一顧癸辛巷陌接逍遙
明聖湖波近誰橋惟有清河貴公子堪陪弄玉奏秦簫
畫來張敞眉偏嫵案對梁鴻日幾舉玉女金童世少雙
佳人才子天然侶三朝洗手淪羹湯滫髓槃匱藹潔芳
祇願陔蘭綿愛日行看吉夢叶熊祥誰知世事輕分離
慷慨秦嘉懷上計鼓篋囊琴始壯游徘徊摻執臨歧袂
難隨黃鵠勢飛翻親擘蟠龍寶鏡鑲浮雲不使天長掩
曾見清光得再圓依依悵斷長亭陌淚灑東風花雨赤

千里關河萬疊山雙雙比目從茲拆白狼河北晝飛霜
丹鳳城南秋夜長用盡蘂砧空外力寒衣誰與寄邊牆
空閨一夕魂九逝雁足不傳天外字金烏燒殘雀尾香
如機織徧鮫人淚妾身真似燕孤飛故壘摧頽毛羽稀
寤寐惟思尋遠道不知何路向金微眊他侍婢賣珠還
摒擋釵珥鬻翠鈿手疊輕裘結同伴飄然思出玉門關
玉門關外風淒肅白日荒荒何處宿溪上妖狐拜髑髏
穴中乳虎甘人肉一去俄看歲月騰隴頭流水不聞膺
傳來芳訊都疑幻卜到金錢悉怪徵白頭阿父憂心醉
終日憑闌凝遠睇瞥覩踰耆老叟歸敗衣一篋初投地

殘脂剩粉冷侵落零落惟餘玉鏡臺數指畱仙雙錦臂
半爲蝴蝶半成灰舉家相對驚於邑老叟從容陳悃悞
自從板浦遺奇殃血汚游魂歸不得憶昔從軍木蘭女
荷戈千里隨征虜一朝功遂凱歌旋閭里郊迎花欲舞
可憐薄命多飄蕩誤入天涯豺虎帳薛媛難教遺照存
巫陽併闕招魂葬地老天荒萬古情一場生死不分明
望夫山下傷心雨併作寒江夜哭聲

送人游楚

一解玉交柯長辭金叵羅清歌懷郢客瑤瑟弔湘娥夢
託朝雲遠詩隨暮雨多汨羅憑借問深淺近如何

九里洲洲九里皆梅花是與秦使君別處

桐鄉汪淮伯源

孤棹向何處滄波如此深豈知花裏別還遣夢中尋
江影激晴雪林聲流素琴誰能憑斷雁爲寫歲寒心
遂園禊飲圖錫山廉使屬題卽送之任楚南

名園啟上日風物追永和誰歟命羣彥選勝雲林阿當
戶玉峯秀宛曳烟中螺輕鬟更旁睨春服纖飄羅素瀨
激濤湍豐條隱岑坡惠風自南來脩竹交鬢影好事南
州翁健菴宗伯閒繫沙頭舸貴游悉王謝上客兼殷何絲竹
雖不陳清歡孰能過酒依金谷聚茵藉西園莎流醺未

及終醉顏各云酤靜聆絲羽柔迴眺東逝波萬殊故有
託趣舍理則那凡茲坐中賢十九攻吟哦宮諭尤備傑
蒼峴先生磊落而英多接羅瀕欲倒玉山終峩峩想當二妙
禹尚基作圖筆錢湘靈記神與造化摩百年一俯仰秋風震喬柯
侵尋落公手豈無神撝訶披餘歸畫篋前騎催鳴珂行
看楚竹然更續襄陽歌蒼峴詩以然竹集爲最

荆溪女士黃香冰詩畫便面同梅史題 三首

袖底春風起芰羅清溪如畫映簾波者回拾翠還相問
花落書臺已幾多

逸韻閒摹仿彩鸞貝多風裏試齊紈璇閨自有元和脚

莫作楊家妹子看

秋水蘆花冷暮烟衡陽回首路三千爭將一曲平沙意
染到湘娥淚點邊

同作 二首

海寧 查 揆 既常

粉奩風貌本吳儂彷彿黃荃擅草蟲好是碧鮮巖畔
路平沙微軟拒霜紅

七字吟成未易才驚鴻字勢墨光回簪花畢竟何花
似算徧春風祇玉梅

拜經樓詩集卷十一終

拜經樓詩集卷十二

起辛酉
盡壬戌

海寧 吳 騫 槎客

早春過邵灣遂至萬蒼山下

人日已過無懽悰
人外獨尋雲叡鐘
涓涓幽泉語細石
落落野鶴翹孤松
梅心怒發千萬萼
海氣忽沈三數峯
東風欲使百草活
雨意颯沓催歸筇

山舟歌

錢塘梁元穎太史博學工文詞
早登翰苑尤以書擅
海內名嘗得元貫酸齋行楷
山舟字揭之軒中故士
林咸稱山舟先生者蓋數十年
于茲矣頃予友陽羨

任禮堂茂才偶游雲間于天馬山周氏見石刻山舟
二字跡類飛白甚奇古視其款則趙孟頫氏也爲之
驚喜亟手拓一本畀予攜錢塘錢額贈太史蓋欲爲
二先生締翰墨緣于五百年之後者爰賦長歌以媵
之

天馬峯前浪捲沙天馬峯後雲飄花山靈作計奚太左
檝旣剡兮舟復剡巉巖不見尺寸水總具界力何由加
時或凌空自搖蕩卻疑貫月流虹槎槎上老仙壽不記
皎皎青瞳雙髻丫度橋可擿虹板近載酒不畏瑤池賒
蟠桃讌罷醉濡墨樵青催草星妃麻一箇便爾下東海

笑看秦皇纜石青如墓前身定是漢梁鵠家雞野鷺紛
嘲誇故與王孫有嘿契佳名早爲窮梳爬想當與至齋
聖帝飄飄雁陣風中斜刻置山莊神鬼守羌無好事教
籠紗彥昇瞥見獨叫絕十日坐臥千咨嗟亟倩瓊椎脫
蟬翼寶之不異真珠璫熊光怪長上燭劒精出匣龍
騰拏釣臺百尺不敢繫令我還送仙翁家仙翁游戲徧
八極乘風欲鼓回帆槳舉頭快覩心語口小雲失步愁
海涯豈唯小雲愁海涯海枯石爛萬萬古君聽柔櫓山
唧啞

重憶西湖

效樂
天體

憶昨西湖樂事稠尋芳何處不勾留黃蜂挾蕊歸花國
紅粉隨人上酒樓落日茫茫雙鳥去離愁滾滾一江流
千秋愛士秦淮海萬里還來共醉不

商父已卣歌和潛山

峒嶠神跡祕莫窺禹巖湯槃久淪沒先生示我商古卣
恍若潔蠲嚴對越更繫長歌清且麗攷稽奚讓呂與薛
三字銘錢兕其左寓形彷彿犧象括周禮注卣中尊謂
獻象之屬按獻讀
爲犧兕亦犧類薛尚功以
商兕卣比罰觥恐非本意殷家錄質體貴素無取雲雷
狀饗發不大不小斯爲中上彝下嚳記嘗曰司尊故可
配雞鳥盛鬯要無分嚳鬱憶昔廟社始用脩康成讀
曰卣滌

蕩音聲樂三闋當其將裸未裸間奉以周旋猶特達禮書

云自受鬯之器古者人臣受鬯以自不以先王首重在

孝享持戈執宣和博古圖有持戈父已自從

微子抱歸周中更羸顛與劉蹶禮經殘缺鐘虞墜瓦甗

轟轟競喧聒猶言在德不在物九鼎千秋懸一髮雍已

之祀且忽諸賴有勲銘可昭揭先公昔分汾陰符如以

蘭薰救民渴仁風化雨浹南國蔽芾甘棠期勿伐歸裝

磊落剩此器何異輕舟石載粵以茲聊當篇金遺巧不

能偷豪不奪我聞賢者必有後祖廬孫觚互提挈願君

什襲待圭瓚江漢他時作詩棧

寒食後率家人東山掃墓卽事 二首

薺麥青青燕麥寒微風蹴浪柳含烟落星菴口人相語
又是吳家上塚天

遠岸青山畫不如秦溪彷彿似秦餘更憐風景重三後
水面落花人捕魚

山行雜興 二首

翠壁丹崖日未晡碧空雲影半浮圖祇除三竺溪流上
更有清涼世界無

雨洗雲林疊畫屏呼猿洞口萬松青沈吟記得前生事
未了楞嚴一卷經

春暮由湖上至天竺過雲林道中憶舊述懷寄小

峴廉使

竺梵林鐘路未遙杉青如畫野烟消重湖有客憑素鏡
三戶無人問楚腰放鶴船歸山雨暝吹花風起佛幢搖
浮生聚散初何定牧笛閒聽過石橋

石湖

晴波涵曉鏡烟樹接春塘金碧千峯爛樓臺四寶襄游
魚驚客棹野鳥識宮牆便有嬋媛載何心問采香

勾吳感事

珠簾半捲愁眉嫵玉剪交飛初燕乳簫聲不到越來溪

拂面楊花爲誰舞
簾鉸風銷玉檻塵
葳蕤雨繡銅溝鎖
不知春去幾時還
袖掩夷光淚雙墮

攜蘭貞自光福登靈巖高處

言移鄧尉緣山棹
又到吳王故苑游
香麝可能尋往跡
榆錢祇足買新愁
阿餘翠壁懷中句
拾盡丹梯樹杪樓
恐誤行人遙指點
風花一簫在簾鉤

蘇臺覽古

范蠡扁舟早入湖
夷光奚必下姑蘇
從來好事元如夢
未有佳人不受誣
草棘縱橫麋跡散
雲天寥落鳥飛孤
明明一片西江月
曾照當年越絕無

登石汴墩水軒

水花結層軒皎若浮新荷規規十笏地面面千頃波萬
景入憑襟倒景顰烟螺徐窺光福塔顛顛魚龍窩噓雲
闌素壁纖袖思輕摩猶疑蕩搖處脫有夷光舸蘋風颭
焉至際晚山鐘多鴟夷不可招鼓柁聊自歌回看蒼莖
外拍拍飛駕鶩

長洲道中示蘭貞

落花芳草徧胥臺舞袖歌塵安在哉祇有負薪山下女
不知春去與春來

荅

瀟瀟暮雨聞江關
渺渺菰蒲接遠天
中酒阻風緣底事
不如歸去看蠶眠

武邱四首

綠草如騅隱釣槎
白公隄軟路非賒
千年不渴劒池水
四月猶開鶴市花
爐畔瑤箏銀指甲
雲邊華梵玉雅叉
登臨自昔饒多感
又聽山鐘報日斜

漫汲愁泉煮薜蘿
春臺暖茗試如何
家惟淥水長洲好
詩讓雲藍小袖歌
虎氣騰空銷霸骨
江光斂恨入修蛾
多情剩有雙飛燕
時拂釵梁一度過

迢遞山塘枕碧漪
清和烟景最迷離
一條翠帶橫拖處

幾樹黃鸝學轉時
小部梨園絃管脆
西崑才調國風持
不須更說綿駒化
季子元來雅樂師

春風不到沈尤邨
匹練徐收過雨痕
短簿祠邊人繫馬
小吳軒裏客窺尊
徒看浩劫移香界
豈有金錢落市門
且拾麝蕪閒鬥草
踏燈歸去笑言溫

過平江不及訪唐明府詩以寄懷

三首

故人滄洲吏三載
阻容徽及來滄洲上
不翅夢見之見之
亦非遙山巔與水湄
攬我風中袂眎我懷中詩
驪珠潛九淵象罔能無知
君詩春空雲舒卷長自持
又若三江濤瞬息窮奔馳
忽收作霖雨亦足蒼生施
憶昔西窗

下殷勤剪燭時祝陵清若空

酒名

勸我常盈卮風流倏雲

散分手異前期愛而不能見何以慰相思

白公昔守郡風流照江水一歲十二游排月紀花史君

今妙爲政接跡言游里日夕絃歌聲笑謂牛刀是花間

坐判牒香風動羅綺暇想放衙還從容紫髯理

君有松
下理髯

圖

不聽城烏聲那知山月明不登靈巖塔那知吳樹平不

攬吳民謠那知長官清昔歎衣無襦五袴今已成重門

罷擊柝桴鼓夜不驚朝來一犁雨處處催春耕猛虎旣

已去

前令以
酷去

瘡痍能無矜慙非杜陵叟聊繼春陵行

蘇臺楊柳枝詞寄陶山明府

十二首

水上驚鴻態不忙
尊前鶯舌嫩如簧
蘇州刺史風流擅
能借芳姿慰斷腸

曾爲君王覆玉墀
柔條難縮月千絲
至今羌笛多哀怨
不過吹簫伍相祠

花落鶻啼水一池
東風作意颺晴絲
小紅睡起渾無語
想到楊枝未嫁時

眞娘墓畔初日斜
玉遮山下是儂家
怕郎不識門前路
日日坡頭埽落花

六幺散序最關情
十五女兒生石城
吹來水殿雲廊側

知是誰家卷葉聲

板橋一望總珍珍可但銷魂似漢南君若化爲紅豆樹
相思長得傍江潭

娉娉嫋嫋十三時花落花開那自持一自夜烏聲斷後
滿天風雨葬西施

欲脫春衫典綠尊櫻桃花下小柴門嬌癡最是當壚女
偏認啼痕作酒痕

錫簫吹過又清明玉筍歸期刻未成四百八十

平聲讀
若謔

南國寺幾枝烟雨幾枝晴

桃李芳叢足冶游畫闌桂樹古今愁蟾宮爭比娃宮好

蹉過陽春落得秋

一別陽春又隔年
飛花無力致纏綿
不如散作浮萍去
猶伴佳人夜采蓮

自分星光遠
碧霄閒看春去綠
迢迢桃花鵲畔
千條露泣徧
東風怨楚腰

一如觀察自達州
軍營以藏香文綺見寄
予爲轉供于小桐溪之文昌閣
竝祝以詩

四首

爲問蠶叢道
何時蛾盜平
十年忘解甲
百里尚連營
青海香南戍
蓬婆雪北城
終憑鐵如意
一爲試神兵

劒閣連雲峻
傳烽徹夜過
風催刁斗絕
月挂角弓多
逸

騎方燒棧前軍又渡河臥龍時已遠幾處起漁歌

潼江通茵閣有客正憑闌忽枉雙魚素因之綺繡端綈袍恩不異絳帳理同看庶託奎垣象流輝到錦官

當年茅季偉曾遇郭林宗我轉慚芳行人猶說往踪于

一如有布衣之好張芭堂聘君嘗以方懷中青玉珮江郭林宗之識茅容尤非鄙意所安也

上碧夫容采采思同寄千山又暮鐘

張南廬茂才遺畫

二首

水紋珍簟起秋風個裏依然浪接空望斷乘槎張博望何時歸鶴話遼東

白石蒼苔舊逕封數間高閣倚雲松殘碁窗下分明在

一枕游仙劫未終

山館戎葵今年獨盛同人小集花下漫成短歌

江鄉律中蕤賓始競渡船歸新燕尾終南進士意不慘
鬢插菡花口嚼鬼鬼血淋漓漬落熱幻出優曇盃羅色
主人速客開閒軒蝶使蜂媒疇敢逼初望青枝疊絳萼
露浥犀株森矗矗忽漫迎風勢欲翔變成三十六妃央
將飛將集隨所欲不溷春紅及秋綠綠尊紅燭映東牆
五尺雕闌影倍長勸君且莫論愚智一酌先應盡鮑莊
斷碑歎

嗚呼忠懿公千載恨徒結鼎湖龍髯遙藁葬龍尾渴薛

封翁仲泣泉銅莢宏血馬鬣竄鼯鼯溪毛絕奠醢賴有

秦延君

小峴先生

奮筆揚休烈大書復深刻凜凜日星揭昇

予松阡表庶補竹橋闕

梨洲徵君嘗作徐忠襄公墓碑載集中今未見刻石識之

不敢忘夜中起哽咽秋風澆花溪翠墨新荷潑輦致白
塔岡巖巖吞雌霓物理有成毀事機難逆察若爲冥冥
間鬼斧潛相截奄同薦福殃何異天發折一姓不再興
一仆成兩蹶似聞塚中人嘆喑徹幽闕我欲呼延君湖
湘烟水闊我欲謝忠魂天關不可越顧彼瓦片全轉使
寸衷裂

戎渾二首

千金裝刀鏤八家共里井朝逢里中兒從軍向鄢郢徒
寄刀頭鏤難寄井中影

十載守孤衾啼紅轉爲紫不如換腰裏同君戰場死

鳳皇謠

孤桐引鳳皇鳳皇乃在丹山巖穴神仙鄉鳳皇棲孤桐
桐花不照阿房宮噉噉啗啗卽卽足足渴飲瓊臺漿飢
啄玉田粟覽德輝而下感衰運而伏飄飄何來列仙儒
抱琴獨鼓鳳將雛頗怪鳥生八九子旣不上天亦不死
南塘秋泛

秋色淡無際南塘一水長鐘來烟寺靜樓出稻花香曲

里稀歌館

塘側有大曲里小曲里

城陰尚聳鄉誰家漁笛譜獨占

晚風涼

池上樓

小樓面南屏竹樹夢虧蔽日午嵐光交掩映方塘翠游
鱗靜可數疎柳鳴蟬曳幽琴方罷彈山雨颯已至不知
東海龍潛來墨池戲泚筆一驚升餘涼滿天地

贈周季子

季子賢乎哉父執謬視予白圭日三復養德甚養珠自
嗟早孤露宵中泣泉魚時而抱脉我手澤存遺書賢聖
跡已遙大雅輪誰扶先子故窵學經訓勤甘畚沿洄百

家流蹉跎千載途孰也瘠其載孰也味其腴凡諸所津
逮目儼當世儒惜乎未盡出采掇供石渠伊余夙樸昧
猶辱回青矚縞紵一以投金石要弗渝良時輒過從酌
醴或燔枯借書無勞祗調水寧假符出入虵憐蛇生計
樵偕漁祇今塊獨存局促轅下駒聞諸往詰言爲善慶
有餘相期策高足天池采芙蓉手弄千里霞光照五雲
衢升沈雖異勢慰懷當何如

馮補亭茂才出眎西江游草感題

二首

三年風木恨難忘倦枕長懸客淚雙落得懷人千里意
一枝柔櫓下西江

滕王風過又天涯畫棟珠簾半落霞思舊不如歸鮑叔
謂鮑子葬師元自少侯芭

雙節篇爲固陵汪龍莊大令二節母賦

桓山山頭白項雙慈烏哀鳴啞啞守一雛口血模糊尾
畢逋朝出暮歸竄身荆棘完膚無況復巢顛有蝮蛇巢
側有訓狐摩牙環伺圖吞屠念我故雄七年不雙黃鵠
之歌上酸青旻下黃墟姊陶嬰妹節姑生不識綢繆嫵
婉終何如赤手誓以倫常扶天欲成爾孝孤兒出汲大
江澗爲倒天欲荅而貞禽啣綬競向懷中傾回憶當年
蓼與荼鐵腸冰炭交支吾一鉗如豆青欲死十指僵

斷風中蘆迢迢九逝魂我招還爾呼祇今東陽連理竹
殞節不枯蕭然山下霜月仍滿湖前無旅後無徒咄嗟
閨中兩丈夫程嬰杵臼立趙孤

讀松鷲西湖十二月楊柳枝詞戲爲補閨月一首
結伴金沙去采藍柳花飛過木棉菴流年暗喜重逢閨
數到花神正十三

過臨江鄉訪朗齋不值畱贈兼示小洲

落葉滿天地幽居何處邊艮山雲漠漠楊墅水涓涓比
屋休農事歸禽下隄田垂綸溪上叟知自己忘筌

題徐蘭圃楚曉近藁

二首

五字長城七子才文章九命古今推祇應鸚鵡多高致

不遣風流負玉臺

徐昌穀有
嬰武等集

古詩亦復論音節雅樂何曾廢鼓鐘參得夫于亭畔旨

與君杯酒試談龍

蘭圃論古詩嘗舉雲間盛
柏堂語相質故并及之

古琴操爲貞烈祝女賦

女祝氏園花里人父名維馨女幼端淑有至性許字
海鹽徐生抒有療疾過時未婚迨卒女涕泣請于父
母過徐守志以養姑時年二十有四徐氏家故貧女
力營紡軫以供菽水室中惟懸抒像日夕對之而泣
姑卒家益窘女遂絕食八日不死乃投繯而絕年四

十三錢塘梁太史同書爲作傳

龍山有素月流暉寄奴城寄奴城中千萬樹獨照亭亭
一女貞木脫厓枯魂殫影徂一十九年淚血爲湖畫不
知有唱隨之好兮夕惟伴我圖中之夫生不知有團圓
之樂兮死幸從吾地下之姑噫嗟乎東海之波兮詎木
石而可填摩笄之歌兮曷不礪之于望夫之巔

新阪暮歸

古廟無人野市梢黃岡西望竹陰苞不緣紅日將頽處
爭見空林露鳥巢

送雲莊比部葬

二首

馬鬣封邊片月明蘆花霏雪撲銘旌妻孥未託張堪死
長水東流聞哭聲

零落桐華怨曉霜琴書宛在硯雲荒白楊夜半作人語
何處青燈是故鄉

送陳映千學博之任鎮海

二首

七十年華始服官先生矍鑠意尤歡晚風穩趁檳榔汛
曉饌先登石蚶盤祭酒雲南新講帳聯吟湘管舊漁竿
料應此際多相念及寄梅花慰歲寒

飄然琴劍伴行旌爲愛名山入四明鳴鹿亭邊春又至
射龍祠畔雨初晴已勝作尉同梅福況有傳經比伏生

東帛蒲輪徵故事他年猶爲一心傾

過述菴少司寇萬松書院出脉古器屬賦 二首

漢銅雁足鐙歌

盤下刻云建昭三年考工輔爲內者造銅雁足鐙重三斤八

兩護監佐博嗇夫福掾光主右丞宮令相省中

宮內者弟五故家屑旁刻云今陽平家畫一至

三陽朔元年賜足下刻云後大廚凡六十一字

君不見成陽青玉銷沈久七尺蟠螭希世有先生出脉

六寸鐙清光徧照西湖柳考工制度窮形模鶴脰高擎

雙雁跗注膏未見安

音橈中規璧羨穿青蒲致古圖

內者鐙盤中有以注膏此鐙盤中穿如璧羨而無制稍別林華宮觀迷華飾恆滿

連枝虹運熄鹿盧龍虎非其匹黃鵠蹕蹕啖蘋食甘泉

蓮勺車宮盤貢金不待梁山銷五鳳黃龍飛上天誰歟

更守宣王軒得非巧匠菊與緩護建惟憑奄寺選

前漢王莽

傳內者令爲傳太后張幄蓋內者主供張奄人職也

縮文斯篆錐畫沙蟲魚細瑣

昆刀剡爰精八葉承晏安惠陵多藝史所傳建昭乙酉

三歲肇造嗇夫丞令星羅躔駸駸陰氣盛沙鹿懷月潛

符政君卜賜予便蕃降內家紀元乃復餒陽朔陽平行

序爭驕貴颯沓鴻軒及鱗次大廚想照作美鱗虬脂怒

挺芝蘭穗鐘磬喧闐鄭舞催土山漸臺高崔嵬家僮千

指競攜舉壁帶金釭何有哉鉅平京兆無憑籍輕擲牛

衣撼恩澤身亾不待九囚呼血化應先土花碧十侯五

將總傾朝文母徒知守黑貂彌天步障一朝散詎有殘

焰風尚搖孤鐙冷落二千載周鼎田魴同顯晦

鍾鼎款識有周

昌汾陰侯鼎田魴武安侯魴

內史風流獨見收耿耿良宵短檠對檠

光雁影兩差池猶憶西京晚祚時木門倉琅燕啄矢啄

破綠綈剩方底鴻冥夫豈避雌伏瞥眼繁華同錠燭知

公雞足山頭戲佛還宣和不錄傳燈錄

宣和博古圖不載諸鐙

趙忠毅公鐵如意歌

鐵如意既可歌亦堪舞白日長驅風電馳清宵每見碧

花吐廉而不剡鉤無鐵卓哉銘語斯千古繫昔六州渾

錯鑄熏楸兪壬布官府張湯有後見泉無崔傅朋奸尤

狗鼠翦鍛鸞鳳投梟鳶烹煮麒麟饗狻猊錚錚那敵四
凶焰冷鐵幾膏鬢餐釜荷戈遠戍雁門役眼穿不見金
雞羽當其擊節苦悲吟氣搖五岳髯戟舉高皇開創三
百年九千歲爺奉聖母金甌寧比美人額一缺猶容獮
髓補徒教故物落塵劫耿耿丹心難朽腐先生何從得
此柄黃龍宛臥春申浦觀書長鎮玉辟邪草疏思敲敢
諫鼓一朝親把度銅壁十萬貔貅隨破虜天生橋上俄
指麾天遣神兵助我武張亞子事師旋圖畫上磨閣鄂公苗
髮鑒可數卽今功遂身江湖絳帳清堪配設廬風濤謖
謖萬松瀉正色寒芒凜心腑東南學士偏摩撫謂斯允

可續忠譜續忠譜歌激楚胥濤夜半越江來彷彿精靈
相對語

西湖楊柳枝詞和松靄大令

十首

一橈風懷楊柳枝韋娘聲調白公詩須知緩緩花開候
不似瀟瀟暮雨時

鐵笛紅兜浩劫馳鷲梳燕剪兩參差水天閒話誰搜得
解道楊枝勝竹枝

紫陌新黃舞嫩晴有人樓上炙鴛笙渾忘舊日金明路
冶葉倡條太不清

水磨團團夜轉溪溪風軟處破舷低郎自行舟儂自唱

平明不覺過塘栖

瑞龍黛影映簾波撥盡琵琶怨曉珂記與玉人江上別
雪花還似柳花多

望湖樓下木蘭橈挽斷長條更短條懊惱使君畱不得

拋人去問楚宮腰

以上二首兼懷
小覲廉使也

輕陰曾罨故宮深剩有黃鸝恰恰吟輸與風流楊妹子
昭陽春暖畫垂金

漫向蘇堤埽落花青驄歸去日初斜若爲繫得陽春住
再種臨安十萬家

萬縷千條踈地長朝朝玉尺鏡中量阿誰深淺尤時樣

試問琅邪大道王

述菴少司寇以此題命士作者凡數百人

蘇小門前烏欲藏
玉津園外月昏黃
關千拍徧新翻調
可許儂家續夢梁

讀松靄海潮說三篇書後

門前萬里魚龍國
夕汐朝潮通瞬息
應候初無爽暑刻
凌空莫辨風雲色
之江逆上萬穴流
恍覩靈胥挾種游
排山銀浪掀雪屋
似神非神冤怒蓄
昔荆太子意不慘
吳客強觀曲江曲
秋中正屆月之望
白馬素車遙滂蕩
無端突立轟崩雷
鳥不及翔魚不回
頭潮始過二潮伏
勢若常山蛇偃腹
吳檣楚舵傷飄泊
轉激天輪拔地軸

當其晝游肯母場弭節伍子山之陽三千越甲震鼙鼓
駭汗浹體衣霑裳回看羅剎出復沒何異砭石攻臙穴
霍然而起快然失皓齒蛾眉各驚悅厥後文人從賦之
郢書燕說然疑滋吳越王孫負絕識泚筆能祛千古惑
辦香源自曾南豐圖序鑑湖語非臆柰何學者猶模糊
拱手七發讓江都我朝止有鉅儒兩西河竹垞共趨江月
松風途汝南夫子更神解河源直窮星宿海推排節縮
會申寅驗測陰陽分子亥松蘿謂潮候自朔至望常緩一夜潮自望至晦常緩一晝
潮蓋有兩日其一潮故太盡止五十八回而無六十回之說其轉關在于初五二十初五二十晝潮在申夜潮在寅也又謂初一十五之子潮乃初三說扶風海嶠遺一十五之夜子時與初二十六無涉

長歌姑射神明宰蠶叢自此闢榛蕪鐵案如山永不刊
舉杯遙謝江東士久借荊州合見還

酬潛山冬晚閒居見懷

竹馬年華一餉馳白頭忝荷故人知山中積雪無黃獨
世外高歌有紫芝賦筆幾空梁苑客遺經獨守漢儒師
歲闌卻憶傳觴節香茗浮椒叔黨持

君子女
並有才

張鵬舫桐葉題詩圖用韋蘇州慈恩清會詩韻下

王戊

涼颼生木末雅志崇元賞詩情方剪桐妙挾化工往野
鶴晨偕飛素月秋與朗鏗然清聽餘五鼎潮初長君家

辟疆園梧竹團池廣憶當獨吟成羣山呼盡響石闌無
滯筆松籟滌凡想休言一葉輕長畱在天壤

同張顯侯茂才觀桃海上

二首

春至不可遏况經酥雨催紅霞蒸遠近碧水照樓臺嫩
入幽禽語潤添晚靨回總輸漁父好竹外一尊開
野店山橋路花明柳暗邨千枝齊亞水一笑忽迎門錯
憶崔郎句真還倩女魂猶聞仙犬吠隱隱在籬根

聞兔牀先生觀桃有作

海寧沈樹厚培

春風駘宕柳初眠竹外嫣然已鬥妍玉粒細炊高士
粥銀毫新試美人牋枯禪未了無言意薄面難成一

笑緣因憶敝廬寒食近枝枝流影弄溪烟

文漁以尊甫瓜圃翁舊藏時少山茗壺見眎形類
僧帽製作渾雅爲賦詩而返之

蜀岡陶窳蘇祠隣天生時大神通神千奇萬狀信手出
巧奪坡詩百態新清河眎我千金寶云有當年手澤好
想見礪砂精鍊成傳衣夜半金沙老一行銘字昆吾刻
歲紀丙申明萬歷彈指流光二百秋具人久化蓮臺錫
吳梅鼎茗壺賦云刻桑門之帽則蓮葉擎臺
磬聲趺然起視了無覩惟見竹爐湯沸海月松風清乃
知神物多靈閃不獨君家雙寶劍願今且作合浦歸免

使龍光牛斗占噫嘻公子慎勿嗟世間萬事猶搏沙他
日來尋丙舍帖春風還毀趙州茶

喜雪樵騎尉偕潛山見過

超然二妙喜同過羸得清風滿薜蘿語古尚憐千載近
觀書嘗凭小樓多常山氣節懷先烈梓里風流本永和
從此滄江佳話在兒童驂篠望鳴珂

告歸述懷奉和小峴廉使元韻

二首

政簡緣知夢亦清鴻毛直視一官輕生涯未免同聲叟
宦況由來惜賈生花落沅江添別思碑畱峴首繫遺情
低徊卻爲南樓月曾照西湖酒共傾

洞庭湖上水連天，被袂風前穩放船。
笠澤餽糧尋杞菊，柴桑雞犬識園田。
琴書享得三生福，仙佛脩成幾世緣。
好共華陽老真逸，山中宰相說他年。

雪樵屬題畫卷

望雲圖

草雞夜鳴長耳變，鯨鯢蹴浪烟島寬。
欃槍未落斗六門，介馬英魂猶血戰。
戰血欲填東海枯，桑海水窮號呼
乾坤正氣消不得，化作碧雲千里鋪。
若有人兮在巖壑，矯首終朝淚爲涸。
丁蘭廟下幾躑躅，立本丹青恣盤薄。
朝雲不可攀，暮雲杳靄間。
永懷出岫心，何當復來還。
君

家忠孝一門全滄海遺珠詎偶然他時攜向太行頂還
作蓬萊紫氣看

薪庵先生
葬蓬萊山

扁舟黃葉

蓬艇入空明清光共流轉不知夜來霜已染亭皋徧沙
鷗眠夕陽遠岫烟中斷相逢緯蕭人貰酒臨楓岸黃葉
非金貂濁醪寧可換江山矧搖落騷客繁哀怨想得破
舷歸西陂又聞雁

畱春山館

二首

叢邱竹樹靄風香江館畱春半夕陽一片孤帆隨鳥沒
青山何處是彭郎

潯陽渡口望仙查
水閣風帘綠樹遮
試向雲山尋粉本
長春元在玉雅父

壽雪山房歌

雪壽不知幾千載
作戲天公故狡獪
萬壑欽峯萬景會
置身恍在琉璃界
山房上有盤古松
白日青天挂玉龍
主人著書方一尺
舉頭忽見峩眉峯
涖歎孟陬雪齡丈
一鳥不飛江泱泱
斯時惜未尋子猷
濯魄冰壺共奇賞
披君圖銀海潔勸
君酒金尊凸君不
見昔日王摩詰愛
寫芭蕉舞壽雪
又不見醉翁詩
令猶獨嚴白戰
不許持寸鐵
此圖他日與竝
傳南極老人親
爲說

簡莊以朝鮮臺笠見遺蓋貢使朴檢書齊家所贈
也製作精巧爲中土所僅見漫酬短歌

臺可禦暑笠禦雨毛公昔著風詩詒東菑農節愧未任

謝元暉詩連陰盛
農節臺笠聚東菑

卉服梯杭良有取憶當生近箕子廟

恥隨庶草爭蕃庶誰與解織夫須莖玉杼瓊梭倩龍女

層層初試菴布網密密旋盤金摩縷渾天圓蓋儼尚象

曲柄方山制非古細觀綢直真如髮緇撮小冠庸遽數

先王儉德在柔遠路竹禽管間登府爰荒不貴雉頭裘

蠻繄空裁火浣鼠底須淮寶獻南琛久卻神獎進西旅

來時度逕重洋險陽侯息帖鯨濤俯浚雲微映小姑祠

肯羨金貂易釵股髻也風流故絕倫交締殊域金蘭譜
綯紆分遣及逋客爲念從來苦吟苦頭白簪花正自笑
樵青鬢影添媚嫵綠裝典盡此獨畱西塞山邊日容與
不見銀查還使星漫腰漁笛吹江浦

簡莊孝廉以朝鮮臺笠貽槎客適小峴廉使訪
舊海昌見而悅之槎客卽以轉贈槎客有詩

因和其體

海寧 俞思謙 秉淵

朝鮮風物吾能說時向京師相市易暖客爭誇海

豹裘宜人不數龍須席

滿花席最珍貴

紙如側理更堅紉布

類羅紋尤潔白魚或張髻到八梢雞皆拖尾盪三尺

邦人喜戴折風巾亦有東菑聚臺笠檢書使者朴貞

蕤前歲來朝修貢職持贈賢良陳簡莊歸貽高士吳

槎客叢書早已彼都傳

簡莊先以愚谷叢書貽朴檢書

遠物今纔吾

里識色黯疑翻沒墨雲體輕似蛻秋蟬翼綠蓑青箬

詎能方細雨斜風任相偈小峴山人訪舊來相邀共

踏登山屐山游戴笠最相宜衆口同聲歎精極欲就

坡翁笠屐圖卽時轉贈無難色詩歌近出拜經樓風

俗遙傳君子國鳴綠江邊草自繁紫雲苦畔人能織

他年貢使或攜來定許先生歌再得

中秋後五日同汪小海明經陳簡莊孝廉楊書巢

汪東邨兩學博奉陪小峴廉使游西山惠力寺

三首

雙螺晴鏡裏一笠梵天旁
谷鳥開霞路林烟逗野牆
碑尋黃絹字衣惹紫微香
童叟思遺愛爭看若堵牆

倚檻觀魚樂披蘿又聽泉
樓頭僧似佛井畔客疑仙
雜珮捐湘浦遐情寄海天
逍遙白太傅新數解龜年

勝地極幽探秋山轉蔚藍
雲移天入畫塔遠樹分嵐
曲鳴鳴琴靜平臺啜茗酣
錯疑他夜夢桑苧訪江南

素清上人出小影求廉使贊余亦繼題一律

金粟元無像維摩不染塵
同參苾芻旨偶現宰官身
金

山訪長老玉帶證前因擲筆下山去諸天花雨新

雪樵騎尉齋中聽孫嘯教鼓琴同俞潛山吳餘山
西軒過雨延秋爽玉軫金徽相映朗客有蓮花山下居
欲訪成連東海上無情古木妙七絃有意朋儔合三兩
主人斂袂請一揮徐拂蛇紋絲斷紡於時正屆早雁翔
碧天萬里無羅網前者啣蘆後者鳴參差齊渡江之廣
或高或下何激昂將集未集尤慙恍霜楓半赤葦花白
瀟水湘烟幾摩盪須臾遠岫一行低宛共殘霞落千丈
平蕪暖戲樂有餘稻梁徐啄閒可想衝鷖何來倏驚起
紛紜四散投菰蔣亦有飄零感悽愴放臣棄妾依稀象

得非明妃含怨出深宮一身絕域成長往馬上琵琶血
淚彈眼穿不見蓬萊仗蛾眉豈惜畫工酬君恩恥以黃
金贖已拚雙鬢沒邊沙何日歸魂還漢壤穹廬八月天
山低冰雪亂落梅花響塞鴻不寄一字書浮萍柳絮同
漂蕩此際聲吞絃亦絕四座咨嗟莫能仰蘇門何自得
斯傳要從塵外尋元賞世上紛紛箏笛耳聽琴只愛牛
鳴盎高山流水問知音他日能無記吾黨

秋夕聽嘯歔山人彈琴作

山陰

陳廣寧

靖侯

夙昔嗜調琴難窮指上音誰將此中理共證古人心
涼月秋堂靜西風海國深寂寥天宇闊長歎振疎林

題畫

夫容花發已迎秋，卻愛新涼未裹頭。
初日一林飛鳥外，亂蟬遙喚隔溪舟。

虛受齋有感

零落殘編走蠹魚，西風驚破夜窗餘。
絕憐虛受三更月，墻外何人唱子虛。

十月十日重過惠力寺素公房

浮生俄七十，電掣流光遽。
風木恫逾深，同懷幾墟墓。
尤憐比翼分，七載空牀賦。
塊獨遺此身，形影屢自顧。
茲辰聊薄游，繫舸西山渡。
風流白足師，訝我來何暮。
功名攬

鬢雪身世國風絮鏗然鹿苑鐘聲徹邯鄲寓拾級記前
塵披襟認題句頻伽枝上鳥勸客何妨住踟躇復踟躇
紅葉門前樹

冬夕自橋李至震澤

月波徐試蟹胥酣西水蘆花雪覆菴夜久不知殘月落
鶻聲搖夢入江南

泛石湖

夜發辭松陵晨炊望米堆澄湖淨明鏡影動姑蘇臺日
華浮若空畫棟依雲隈疏櫺碧四映楓葉紅于梅微風
偶然至流波澹滌洞不見采芳人惟逢鷗鷺回緬昔鴟

夷子霸越餘高才功成身五湖鴻冥辭氛埃良弓旣云
藏咄爾徒心哀不若蘆中士窮通付一杯

十月蘇臺柳

十月蘇臺柳枯枝半不颺
傍來梅影瘦吹盡雪花香
拂面春何在顰眉事久荒
惟將寒夜雨點點滴橫塘

昔金粟山人以唐六如寫秋香小像見遺受而藏
之笥幾三十餘載矣頃陶山明府重葺桃花菴
于吳下爰以像歸焉且屬摹勒于石以垂佳話

戲占二絕

一握腰支阿小蠻空齋伴我卅年閒
明珠合浦歸來日

贏得唐衢也破顏

手中金粟定前身鏡裏青鸞宛玉真
今夜紅蕤雙枕畔桃花應讓作夫人

七十初度潛山以童二樹墨梅竝賦詩見祝率酬
長句

萬幅梅花萬首詩

印章句

藐姑何意到蓬池風前欲瀉珠

千斛雪後疑橫玉一枝紙帳春溫添老伴
畫樓人愛結新知從容譜入芝仙曲
愈覺還丹歲月遲

拜經樓詩集卷十二終

男 壽照
壽陽 校字